

BOSNA I HERCEGOVINA

Brčko distrikt BiH

SKUPŠTINA

BRČKO DISTRIKTA BiH



БОСНА И ХЕРЦЕГОВИНА

Брчко дистрикт БиХ

СКУПШТИНА

БРЧКО ДИСТРИКТА БиХ

Mladena Maglova 2, 76100 Brčko distrikt BiH, telefon i faks: 049/215-516

Младена Маглова 2, 76100 Брчко дистрикт БиХ, тел. и факс: 049/215-516

Na osnovu člana 22 Statuta Brčko distrikta BiH – prečišćeni tekst („Službeni glasnik Brčko distrikta BiH“, broj 2/10), člana 82 Zakona o zdravstvenom osiguranju Brčko distrikta Bosne i Hercegovine prečišćeni tekst („Službeni glasnik Brčko distrikta BiH“, broj 19/20), člana 64 Poslovnika o radu Skupštine Brčko distrikta BiH („Službeni glasnik Brčko distrikta BiH“, broj 54/18 – prečišćeni tekst i brojevi: 17/20 i 24/20), Skupština Brčko distrikta BiH, na I. nastavku 55. redovne sjednice održanom 21. februara 2024. godine, donosi

ODLUKU

O IZMJENI ODLUKE O LIČNOM UČEŠĆU OSIGURANIH LICA U TROŠKOVIMA REALIZACIJE PRAVA IZ ZDRAVSTVENOG OSIGURANJA

Član 1

U Odluci o ličnom učešću osiguranih lica u troškovima realizacije prava iz zdravstvenog osiguranja, („Službeni glasnik Brčko distrikta BiH“, brojevi: 8/02 i 24/22), član 4 mijenja se i glasi:

„Član 4

(1) Od ličnog učešća u troškovima zdravstvene zaštite iz člana 2 ove odluke oslobođeni su:

1. Djeca do navršениh 15 godina,
2. Žena koja koristi zdravstvenu zaštitu u vezi s trudnoćom i porođajem,
3. Oboljeli kod kojih se permanentno primjenjuje hemodijaliza u liječenju, oboljeli od hronične bubrežne insuficijencije gr. 3 i 4,
4. Oboljeli od dijabetesa (samo zavisni o inzulinu),
5. Oboljeli od sistemskih bolesti vezivnog tkiva – psorijatični artritis, reumatoidni artritis, SLE, dermatomiozitis, sistem. skleroza,
6. Oboljeli od hronične inflamatorne bolesti crijeva – ulcerozni kolitis, kronova bolest, celijaklija,
7. Oboljeli od hemofilije A, B, Von Willebrand, hroničnog hepatitisa C i B, ciroze jetre, HIV, Poliomijelitis,
8. Oboljeli od malignih bolesti (sve zdravstvene usluge koje su povezane s dijagnozom i liječenjem malignih bolesti),
9. Oboljeli od zaraznih/infektivnih bolesti (do završetka liječenja),
10. Lica oboljela od progresivnih mišićnih oboljenja, cerebralne paralize i multiple skleroze i sva lica u stanju paraplegije i kvadriplegije i sl. odnosno oboljenja sa šiframa: G10, G12, G20, G30, G35, G36, G40, G60, G61, G70, G71, G80, G81, G82, G83, I60, I61, I62, I63,
11. Lica oboljela od psihijatrijskih bolesti sa šiframa: F20, F21, F22, F23, F24, F25, F26, F27, F28, F29, F30, F31, F32, F33, F70, F71, F72, F73, F78, F79,
12. Hitna stanja s vitalnim indikacijama,
13. Dobrovoljni davaoci krvi (preko 10 puta),
14. Lica s navršениh 65 i više godina,
15. Socijalno ugrožena lica kojima je Odjeljenje za zdravstvo i ostale usluge, Pododjeljenje za socijalnu zaštitu – Centar za socijalni rad utvrdio takav status,

16. Porodice poginulih boraca, RVI (kategorije od I-X) i članovi njihovih porodica, civilne žrtve rata,
17. Penzioneri.

(2) Od ličnog učešća u troškovima zdravstvene zaštite od tačke 3 do 7 oslobađaju se osiguranici od učešća u troškovima realizacije prava na korištenje zdravstvene zaštite samo kod osnovne bolesti.

(3) Kategorizaciju na osnovu bolesti u zdravstvenu knjižicu pacijenta - šifru može upisati samo doktor specijalista određene grane medicine vezane za osnovnu bolest.

(4) Doktori u primarnoj zdravstvenoj zaštiti (PZZ) šifru upisuju u zdravstveni karton kao radnu dijagnozu do izdavanja konačne dijagnoze – šifre.

(5) Za ratne vojne invalide i civilne žrtve rata, zdravstvene ustanove su dužne obezbijediti prioritet.“

Član 2

Član 5 se briše.

Član 3

U članu 8 tekst: „utvrđeno ovim prijedlogom odluke“ mijenja se i glasi: „utvrđen ovom odlukom.“

Član 4

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-971/24

Brčko, 21. 2. 2024. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić